



MIA 0 20 00451085



20/02/2020

## ხელშეკრულება №31 საინკასაციო მომსახურების სახელმწიფო შესყიდვის შესახებ

ქ. თბილისი 20 თებერვალი 2020 წელი  
ერთი მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველად“ წოდებული), წარმოდგენილი მისი გენერალური დირექტორის მოვალეობის შემსრულებლის **ლევან ძნელაძის** სახით და მეორე მხრივ, **საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი** (შემდგომში „მიმწოდებლად“ წოდებული), წარმოდგენილი მისი ინკასაციის სამმართველოს უფროსის მოვალეობის შემსრულებლის **დავით გიგაურის** სახით,

„სახელმწიფო შესყიდვების შესახებ“ საქართველოს კანონის (მე-3 მუხლის პირველი პუნქტის ს<sup>1</sup> ქვეპუნქტი) მოთხოვნათა შესაბამისად, გამარტივებული შესყიდვის საშუალებით, ურთიერთშეთანხმების საფუძველზე, ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

1.1. 2020 წლის 20 თებერვლიდან - 05 მარტის შუალედში „მიმწოდებელი“ „შემსყიდველი“-ს მოთხოვნის შესაბამისად, ერთჯერადად უზრუნველყოფს შემსყიდველის ძვირფასი ლითონების დაცვა-გაცილებას - CPV79713000 (შემდგომ „მომსახურება“) შემდეგი მიმართულებით:

- ქ.თბილისი, გ. გულუას ქ. №4-დან - ი. ჭავჭავაძის გამზ. №49ა-ს მიმართულებით.

1.2. „შემსყიდველი“ იღებს ვალდებულებას „მიმწოდებელი“-ს გადაუხადოს მომსახურების ღირებულება წინამდებარე ხელშეკრულების მე-3 მუხლის მოთხოვნათა მიხედვით.

### მუხლი 2. „მიმწოდებელი“-ს თანამშრომელთა საშტატო განრიგი და დაცვა გაცილების რეჟიმი

2.1. ხელშეკრულების 1.1 პუნქტით გათვალისწინებული შემსყიდველის ძვირფასი ლითონების დაცვა-გაცილებას, „შემსყიდველის“ მოთხოვნის შესაბამისად, განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის, ინკასაციის სამმართველოს სამი თანამშრომელი, ცეცხლსასროლი იარაღითა და სპეციალური სანათი, ხმოვანი მოწყობილობით აღჭურვილი ერთი ავტომანქანით,

2.2. შემსყიდველი იტოვებს უფლებას, გადაადგილების მომენტში, დაასწროს სათანადოდ გამოყოფილი უფლებამოსილი პირი.

### მუხლი 3. მხარეთა შორის ანგარიშსწორება

3.1.საერთო სახელშეკრულება ღირებულება შეადგენს **1000,00 (ათასი) ლარს, დღგ-ს ჩათვლით, სადაც მომსახურების ღირებულება ერთჯერადად შეადგენს 500 (ხუთასი) ლარს დ.ღ.გ.-ს ჩათვლით.**

3.2. „შემსყიდველი“ წინამდებარე ხელშეკრულების 3.1. პუნქტით გათვალისწინებულ თანხას „მიმწოდებელს“ გადაუხდის ფაქტობრივად მიწოდებული მომსახურების ღირებულების შესაბამისად, მიღება-ჩაბარების აქტზე ხელმოწერიდან (რომელიც დასტურდება სათანადოდ გამოყოფილი უფლებამოსილი პირის/პირების მიერ და მხარეებს შორის დგება მომსახურების დასრულების შემდეგ) და ელექტრონული საგადასახო ანგარიშ-ფაქტურის წარმოდგენიდან 5 (ხუთი) კალენდარული დღის ვადაში.

#### **მუხლი 4. მხარეთა ვალდებულებები**

##### **4.1. „მიმწოდებელი“ ვალდებულია:**

4.1.1. არ გაამჟღავნოს „შემსყიდველის“ სამსახურებრივი საიდუმლოება;

4.1.2. დაცვა-გაცილება განახორციელოს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის ინკასაციის სამმართველოს ცეცხლსასროლი იარაღით აღჭურვილი თანამშრომლებით;

4.1.3. „პოლიციის შესახებ“ საქართველოს კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;

4.1.4. უზრუნველყოს ფასეულობის გაძლიერებული დაცვა და მისი უდანაკარგო გადატანა;

4.1.5. პოლიციელთა გადაადგილებისათვის, გამოყოს სპეციალური შეფერილობის, სპეციალური სანათი და ხმოვანი მოწყობილობით აღჭურვილი ავტომანქანა;

4.1.6. „მიმწოდებელი“ ზარალისათვის პასუხისმგებლობას კისრულობს „შემსრულებლის“ მიერ დაკისრებული მოვალეობების შეუსრულებლობისათვის, ან არაჯეროვანი შესრულების შემთხვევაში;

4.1.7. ზარალის ოდენობის განსაზღვრა მოხდება, მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „შემსყიდველის“ საბუღალტრო და სხვა საჭირო დოკუმენტაციას;

4.1.8. „შემსყიდველისათვის“ ზარალის ანაზღაურებას „მიმწოდებელი“ მოახდენს ერთობლივი კომისიის დასკვნის ან სასამართლოს კანონიერ ძალაში შესული გადაწყვეტილების საფუძველზე;

4.1.9. ვალდებულია „შემსყიდველის“ მოთხოვნისთანავე მიავლინოს დაცვა-გაცილების ეკიპაჟი ხელშეკრულების 1.1 პუნქტით გათვალისწინებულ „ობიექტზე“.

##### **4.2. „მიმწოდებელი“ პასუხისმგებლობას არ კისრულობს:**

4.2.1. ავტოსაგზაო შემთხვევის (ავარია) ან ისეთი შემთხვევების დადგომისას, რომელიც არ არის გამოწვეული „შემსრულებლის“ განზრახვი ან გაუფრთხილებელი მოქმედებით;

4.2.2. თუ „შემსყიდველმა“ არ შეასრულა ხელშეკრულებით გათვალისწინებული პირობები.

##### **4.3. „შემსყიდველი“ ვალდებულია:**

4.3.1. ერთი დღით ადრე აცნობოს „მიმწოდებელს“, ელ. ფოსტით ან სატელეფონო კავშირით, ხელშეკრულებით გათვალისწინებული მომსახურების შესრულების დრო;

4.3.1. განახორციელოს ხელშეკრულებით გათვალისწინებული მოთხოვნათა შესრულება;

4.3.2. „მიმწოდებელი“-ს თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „მიმწოდებელს“;

4.3.3. „შემსყიდველს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული ხელშეკრულებით.

#### **მუხლი 5. ფორს-მაჟორი**

5.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევების დროს, რომლის დროსაც შეუძლებელია დაკისრებული მოვალეობების შესრულება.

#### **მუხლი 6. ხელშეკრულების მოქმედების ვადა**

6.1. ხელშეკრულება ერთჯერადია, ძალაში შედის მხარეთა ხელმოწერისთანავე და მოქმედებს 2020 წლის 15 აპრილის ჩათვლით;

6.2. „მიმწოდებელი“ უფლებამოსილია ცალმხრივად შეწყვიტოს ხელშეკრულება, „შემსყიდველის“ მიერ ხელშეკრულებით გათვალისწინებული ვალდებულებების შეუსრულებლობის შემთხვევაში.

## **მუხლი 7. სხვა პირობები**

7.1. წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა შეთანხმებით წერილობითი ფორმით, რომელიც წარმოადგენს აღნიშნული ხელშეკრულების შემადგენელ და განუყოფელ ნაწილს;

7.2. შემსყიდველი უფლებამოსილია ხელშეკრულების მოქმედების ნებისმიერ ეტაპზე განახორციელოს შემოწმება/ინსპექტირება, რომლის მიზანია მომსახურების ხარისხის და მიწოდების ვადების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან, რომელიც განხორციელდება სათანადოდ გამოყოფილი უფლებამოსილი პირის/პირების მიერ.

7.3. სადაო საკითხებს მხარეები გადაწყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;

7.4. ხელშეკრულება შედგენილია ქართულ ენაზე და ფორმდება ელექტრონულად, რომლის ყველა ეგზემპლარი ორიგინალია.

**მხარეთა რეკვიზიტები და ხელმოწერები:**

**„შემსყიდველი“**

**სსიპ „საქართველოს ფინანსთა სამინისტროს მომსახურების სააგენტო“**

ქ. თბილისი, გ. გულუას ქ. #4

სკ 205081249

მიმღები: სახელმწიფო ხაზინა; მიმღების დასახელება: ხაზინის ერთიანი ანგარიში; ბანკის კოდი: TRESGE22; მიმღების ანგარიში/სახაზინო კოდი: 707027501

**„მიმწოდებელი“**

**საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი**

საიდენტიფიკაციო ნომერი: 211350928

ხაზინის ერთიანი ანგარიში,

ბანკის კოდი: TRESGE22,

მიმღები ანგარიში/სახაზინო კოდი - 707117033

სსიპ-დაცვის პოლიციის დეპარტამენტი / ინკასაციის

სამმართველო

სამმართველოს უფროსის მოადგილე

გიგაური დავით